

Na osnovu člana 2. stav (3) Odluke o utvrđivanju uslova, kriterija i postupka za obavljanje pripravničkog i volonterskog staža branitelja i članova njihovih porodica, ("Službene novine Tuzlanskog kantona", broj: 9/14), Sporazuma o realizaciji VII Programa sufinansiranja obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, broj: 02-49-5 i broj: 07 D-15/1-05-020047/18 od 16.08.2018. godine, koji su zaključili Ministarstvo za boračka pitanja Tuzlanskog kantona i JU Služba za zapošljavanje Tuzlanskog kantona i VII Programa sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica, Ministarstvo za boračka pitanja Tuzlanskog kantona objavljuje

I PONOVLJENI JAVNI POZIV
za učešće u VII Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica

1. Pravo učešća

Pravo učešća u VII Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica imaju poslodavci sa područja Tuzlanskog kantona.

2. Poticajna sredstva

Finansijska sredstva za podršku sufinansiranja obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica, obezbjeđena su u Budžetu Tuzlanskog kantona, u iznosu od 480.000,00 KM.

Ova sredstva će se usmjeriti za sufinansiranje poslodavaca, koji će zaključiti ugovore o obavljanju stručnog osposobljavanja bez zasnivanja radnog odnosa / volonterskog staža sa osobama VSS, koje se nalaze na konačnoj listi kandidata Ministarstva za boračka pitanja Tuzlanskog kantona (u daljem tekstu: Ministarstvo), broj: 15/1-41-016537-KL/18 od 05.07.2018. godine i broj: 15/1-41-019137-KL/18 od 16.08.2018.godine, u trajanju do 12 mjeseci (na rok utvrđen u Konačnoj listi kandidata), radi stručnog osposobljavanja za samostalan rad, bez zasnivanja radnog odnosa, kako bi stekli radno iskustvo, potrebno za rad na određenim radnim mjestima ili za polaganje stručnog ispita.

Poslodavcu će se sufinansirati sredstva bruto iznos od **302,11 KM** mjesečno, po osobi.

3. Pregled zanimanja osoba sa konačne liste kandidata Ministarstva

Naziv stručne spreme	Broj neraspoređenih kandidata
Bachelor ekonomije	3
Bachelor inženjer elektrotehnike	3
Bachelor prava	2
Bachelor socijalnog rada	2
Magistar farmacije	2
Bachelor primjenjene hemije	2
Diplomirani grafički dizajner	1
Bachelor - inženjer geologije	2
Bakalaureat/Bachelor inženjer genetike i bioinženjeringa	1

Bachelor - inženjer hemijske tehnologije	3
Diplomirani inženjer prehrambene tehnologije	1
Diplomirani inženjer hemijskog inženjerstva	1
Diplomirani pravnik	1
Bachelor - inženjer mašinstva	1
Bakalauerat/Bachelor inženjer saobraćaja	1
Diplomirani inženjer saobraćaja	1
Diplomirani inženjer saobraćaja, drumski i gradski saobraćaj	1
Bachelor bosanskog jezika i književnosti	1
Bachelor turskog jezika i književnosti	2
Bachelor geografije	1
Bachelor historije	1
Bachelor - inženjer građevinarstva	2
Bakalaureat/Bachelor - inženjer građevinarstva	1
Bakalaureat/Bachelor laboratorijske tehnologije	1
Bakalaureat/Bachelor menadžmenta sigurnosti	1
Bachelor – inženjer agronomije	1
Bachelor – inženjer rudarstva	4
Bachelor - inženjer rudarstva za bušotinsku eksploataciju	3
Bachelor filozofije - sociologije	2
Bachelor producent	1
Bachelor – inženjer sigurnosti i pomoći	2
	51

4. Potrebna dokumentacija za učešće u Programu:

a) Zahtjev za sufinansiranje osoba radi obavljanja stručnog osposobljavanja bez zasnivanja radnog odnosa / volonterskog staža boraca i članova njihovih porodica sa VSS, koje se nalaze na Konačnoj listi kandidata Ministarstva, uz **obrazac** “potrebe za osobama - stručno osposobljavanje /volontiranje” za koje se podnosi zahtjev,

b) broj računa u poslovnoj banci na koji će se sredstva doznačiti, i

c) posljednja specifikacija o isplaćenim plaćama - osim za organe državne službe i javne ustanove.

Poslodavci koji nemaju zaposlenika prijavljenih na jedinstveni porezni sistem, te poslodavci koji svojom djelatnošću nisu u mogućnosti osigurati osobama stručno osposobljavanje bez zasnivanja radnog odnosa / volonteru, sticanje radnog iskustva, potrebnog za rad na određenim radnim mjestima njihove stručne spreme ili za polaganje stručnog ispita, ne mogu učestvovati u ovom Programu.

Ugovor o obavljanju stručnog osposobljavanja bez zasnivanja radnog odnosa / volonterskog staža ne može biti zaključen prije zaključenja ugovora sa Službom.

5. Prioritet kod odobravanja sredstava

Kod odobravanja sredstava, namijenjenih za sufinansiranje obavljanja stručnog osposobljavanja bez zasnivanja radnog odnosa / volonterskog staža, osobama iz ciljne grupe, ukoliko potražnja poslodavaca bude veća za određena zanimanja, nego što ima osoba na listi za tim zanimanjem, prioritet će imati poslodavci koje je i sam kandidat prethodno prihvatio.

6. Način isplate sredstava

Služba će poslodavcima isplatu sredstava vršiti, nakon zaključivanja ugovora i dostavljanja ostale dokumentacije (ugovor zaključen između poslodavca i osobe na stručnom osposobljavanju bez zasnivanja radnog odnosa / voloneta, dokaz da je osoba na stručnom osposobljavanju / volonterskom stažu osigurana za slučaj povrede na radu i profesionalne bolesti - obrazac JS 3120, i izjave osobe na stručnom osposobljavanju bez zasnivanja radnog odnosa / voloneta da je upoznata sa uvjetima programa) sukcesivno, u mjesečnim ratama od 302,11 KM, po osobi, bruto, u trajanju do 12 mjeseci (na rok utvrđen u Ugovoru o sufinansiranju obavljanja stručnog osposobljavanja bez zasnivanja radnog odnosa / volonterskog staža), uz obavezu poslodavca da osobi na stručnom osposobljavanju bez zasnivanja radnog odnosa / volonteru isplati neto iznos, za svaki mjesec 220,00 KM, kao naknadu za ishranu i prevoz, a preostali iznos od 82,11 KM se uplaćuje na ime plaćanja pripadajućih obaveza (doprinos za zdravstveno osiguranje 4%, porez na dohodak, doprinos za PIO 6%, poseban porez za zaštitu od posljedica elementarnih nepogoda 0,5%, posebna vodna naknada 0,5%, naknada po odluci PIO za slučaj prof.oboljenja).

Poslodavac je u obavezi pravdati dobijena sredstva za svaki mjesec.

7. Prava i obaveze

Prava i obaveze između Službe i poslodavca, regulisaće se međusobnim ugovorom, u skladu sa Programom i javnim pozivom.

8. Prijava na javni poziv

Prijave sa potrebnom dokumentacijom, dostavljaju se neposredno ili preporučeno poštom, sa naznakom „Prijava na javni poziv za učešće u VII Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica», birou za zapošljavanje prema sjedištu poslodavca ili Službi za zapošljavanje Tuzlanskog kantona, ul. Bosne Srebrene broj: 31., 75 000 Tuzla.

Javni poziv se objavljuje dana 21.09.2018.godine, na web stranici Vlade Tuzlanskog kantona, www.vladatk.kim.ba, na web stranici Službe, www.szztk.ba i oglasnim pločama biroa za zapošljavanje u svim grad / općinama TK.

Rok za podnošenje prijava je 8 dana od dana objavljivanja javnog poziva

Obrasci za apliciranje za učešće u VII Programu sufinansiranja obavljanja stručnog osposobljavanja bez zasnivanja radnog odnosa / volonterskog staža, boraca i članova njihovih porodica, dostupni su na web stranici Vlade Tuzlanskog kantona, www.vladatk.kim.ba i na web stranici Službe, www.szztk.ba, u nadležnim općinskim biroima za zapošljavanje i Službi

Prijave sa nekompletnom dokumentacijom, neće se uzeti u razmatranje.

**Ministarstvo za boračka pitanja
Tuzlanskog kantona**